

重修關帝廟記

州人  
程先貞

德城舊有關廟尊居南門之冕為殿四楹以奉漢前將軍關侯像俯臨萬竈蓋控鎮闔郡之巍闕也凡車馬擔徒旅進旅退悉繇其下扼其吭而拊其背若隱有唱名辨貌者赫赫然漢賊不兩立哉顧碑版無存不知創自何時歲月既深漸就剝墮當順治戊子郡大夫月台劉公來蒞茲土下車之始即展拜此像不勝秋風黍離之感慨然欲鼎而新之默識於心永矢弗諼會有狡賊突城之變乘飛雪模糊中直逼州衙公率其懿親幹僕環

德州金石志

州衛書院校定本

甲執兵張弓彀矢徑出與賊遇恍有神物憑之賊無不應弦而倒者賊由是人人惴恐各鳥獸散州人胥慶更生自薦紳孝秀以及廝養走卒婦人童子頂禮焚香歸功於公公謙讓遜謝曰神休也於是鳩工庀材用踐夙約乃因高朗之基爰易凋殘之落構雕楣畫棟烏革翬飛即侯之冠紳袍仗面光髯影端肅惟肖嚴嚴翼翼還於舊規矣既落成屬先貞記其事於石以詔久遠先貞不佞其何能為役然竊聞之侯乃心漢室隨昭烈周旋不避艱阻昭烈為平原相以侯為別部司馬則德城固侯所舊

遊之地而夙昔臨蒞之國也以視吾人不啻如主伯亞旅子姓  
臣屬焉侯之威靈顯赫恍惚變現周遍茲土豈有不祐其統域  
以呵而護之者哉侯即祀徧天下惟祀於吾土為更宜弁神功  
而圖報所謂無可逃而不可解者也且以劉公之為人肝腸如  
雪意氣如雪雲察其呼吸之氣直與侯一脈相通詩云神之聽之  
終和且平則今日虔脩祀事使世世無忘焉煌煌祝釐之舉廟  
貌依然與德城共靈長可也侯在漢為前將軍漢壽亭壯繆侯  
元政和中封顯靈義勇武安英濟王明萬曆中封三界伏魔大

德州金石志

州衛書院校定本

帝神威遠震天尊關聖帝君仍稱前將軍者侯志也劉公名思  
文遼東廣寧人繇戶部郎中出知德州事蒞官數十日以註誤  
去然德人士至今思之先貞既已書其始末系以銘詩曰桓桓  
關侯秉間氣乃心漢祚匡其季艱難險阻從赤帝經之營之造  
草昧雖曰君臣如兄弟逸羣絕倫禦侮備威震中原勢辟易下  
視孫曹等兒戲青天白日揚肝肺遺魂颯颯惺睡昧惟我德城  
趙北際南樓物色設尊位侯曰嘻哉予舊治精光變現驅魑魅  
明德馨香几筵肆伊有劉公答高義霓幢紛下享格至歌舞將迎

稱既醉銘茲貞珉清風吹猗歟休哉千萬歲

德州金石志

州衛書院校定本

德州北魏高氏墓碑三高植碑已見舊誌今存田氏家祠乾隆甲申八月北第三屯農人得高湛墓石於衛河中方尺有六寸厚三寸州人封希孔收藏之後移置濟南不復見矣錄其文於左魏故假節督齊州諸軍事輔國將軍齊州刺史高公墓誌銘君諱湛字子澄勃海滌人也靈根遠秀啓慶光於渭川芳德遐流宣大風於東海作範百王垂聲萬古者矣故清公勢重鄭伯捐師元卿位尊管仲薛禮皆所以讓哲推賢遠明風軌祖冀州刺史勃海公文照武烈望樹中夏惠沾朝野愛結周行考侍

德州金石志

州衛書院校定本

中尚書令司徒公英風秀逸雋氣雲馳剡頤帝鄉威流宇縣君稟慶緒於綿基挹餘瀾於海澳幼尚端凝長好文雅非道弗親唯德是與逍遙儒素之間慕申穆之遺風徘徊文史之際追牧馬之逸翫至於憑春灑翰席月抽琴邁昔哲以孤遊超時流而獨遠熙平啓運起家為司空叅軍事轉揚烈將軍羽林監天平之始襄城阻命君文武兩兼忠義奮發還城斬將蠻左同歸朝廷嘉其能縉紳服其義假驩驤將軍行襄城郡事君著績既崇賞勞未允尋除使持節都督南荊州諸軍事鎮軍將軍南荊州

刺史於時偽賊陳慶率祿攻圍孤城獨守載離寒暑終能剋保  
邊隍全怙民境復除大都督行廣州事享年不永春秋卅三元  
象元年正月廿四日終於家皇上動哀能言灑淚迺有詔曰故  
持節都督南荊州諸軍事假鎮軍將軍揚烈將軍負外羽林監  
行南荊州諸軍事南荊州刺史當州大都督高子澄識用開敏  
氣幹英發擁攝蕃翰誠効尅宣臨難殉軀奄從非命言命遺績  
有悼于懷宜申追寵式光注烈可贈假節督齊州諸軍事輔國  
將軍齊州刺史粵元象二年十月十七日遷葬於故鄉司徒公

德州金石志

州衛書院校定本

之瑩千秋易注萬古難留故鐫石泉門以彰永久其詞曰丹刻降  
祉姜水載清大人應期命世挺生垂竿起譽罷鈎流聲經綸宇  
宙莫之與京侑司下蕃公衡上宰既顯營丘復擬東海四履流  
芳五城降綵繁柯茂葉傳華無改伊宗作輔忠義是依清盪昏  
霧橫掃塵飛日月再朗六合更暈玉帛斯集福祿終歸仁壽無  
遠積善空施風酸夏草霜結春池崑山墜玉桂樹摧枝悲哉永  
慕痛矣離長

嘉慶二年北第三屯某浴于河見有石露一角乃呼衆共出之

力竭寘岸側魏高貞墓碑也錄其文於左 魏故驩驤將軍營  
州刺史高使君懿侯碑君諱貞字羽真勃海脩人也其先蓋帝  
炎氏之苗彙昔在皇唐是為四嶽爰逮伯夷受命于虞舜曰典  
朕字缺六暨呂尚佐周克殷有大功於天下位為太師俾侯齊國  
世世勿絕表乎東海其公族有高子者即其氏焉自茲已降冠  
冕繼及世濟其美德不實其名祖左光祿大夫勃海敬公純嘏  
所鍾式誕文昭皇太后是為世宗武皇帝之外祖考安東將軍  
青州刺史庄公有行有禮克荷克構即文昭皇太后之弟二兄

德州金石志

州衛書院校定本

也君稟岐嶷之資挺珪璋之質清暈發乎載歲卡悟表乎齟齬  
黃中通理之名卓爾不羣之目固已殊異乎公族見稱于匠者  
至于孝以事親則白華不能比其潔友于兄弟則常棣無以方其  
盛敬讓著自閭閻信義行于艷黨若夫秉心塞淵砥礪名教伏  
膺文武不肅而成則綴軌于前循同頌于先達者矣雖綺襦紈  
袴英華于王許龍馬流車陸離于陰鄧而不以高貴驕人必以  
謙虛業已是故夷門識慕蹇步知歸我德如風物應如響弱冠  
以外俄令望除秘書郎俸麟閣而來儀瞻石渠而是跂於是縱

容按文之職翻飛鶴鷺之間容止此而可觀清風茲焉已穆既而重離載朗東朝始建祀梓徧陳瑤金必剖僉求其可帝曰爾諧遷太子洗馬夙夜惟夤媚茲儲后仰敷四德之美式揚三義之缺同禁聰坊亡有出其右也于是六宮無主百姓未繁回愛大艷因踰莘似以君姊有神表淑問拜為皇后君戚愈重缺三寵日益權日損由是少君退讓之缺無畏淵嬌奢之患故赫赫之望具瞻允集損幹之期匪朝伊暮而不幸拒命春秋廿有六以延昌三年歲次甲午四月己卯朔廿六日乙巳遘疾卒于京

德州金石志

州衛書院校定本

師二宮悲慟九族悼傷同位駿奔遐邇必至天子迺詔曰有司曰故太子洗馬高貞器業始茂方加榮級而秀穎未實奄夏秋今宅兆有期宜蒙追陟可特贈驪驤將軍營州刺史以旌儀雋其墓之所須悉仰本州營辦臨缺又特給東園龍輜加謚曰懿凡我僚舊爰及羈人咸以君生而玉質至美也幼若老成至慧也孝友回心至行也富貴不驕至謙也君以此終亦以此始焉可廢而不錄使來世無聞焉迺相與採石名山樹碑墓道其詞曰一厥緒皇缺五堯咨四嶽缺命呂望惟高惟缺世有龍光

自茲缺氏不實其芳於鑠光祿饗茲戩聲共矣安東純嘏斯屬  
或女或妹匪娥伊僕陟缺昭陽光艷揆山川降祉餘慶不已敬  
公之孫莊公之子如琇如瑩為山伊始人知其進莫見其止古  
人有言膏粱難正於乎我缺終和且令牧已與謙謙與物無競  
孝友回心能久能敬爰始來儀濯纓鱗沼翮羽儲局其容皎皎  
方搏九霄載飛載矯天道如何是久是天生榮死哀禮有加數  
曷用寵終英英旂輅其人雖往其風可慕元石一刊清徽永鑄  
大代正光四年歲次癸卯月管黃鍾六日缺七字



趙母井宜人墓誌銘

紀昀

往讀翟公題門之詞意嘗微病其過褊仕宦之升沈朋友之親疏皆恒事耳何遽介介若是洎罹譴竄謫從軍西域倉皇就道衣裘車馬皆不具流離萬狀途過素所厚者殊落落如路人幾寒餓困踣於道路然後知翟公之言其所感者深也當是時德州趙君春礪獨殷殷顧念如平日故余感之甚嘗對周書昌編修稱之書昌曰是不獨春礪然也其太夫人亦然矣當根矩先生官沅陵時與知府不相能媒孽之幾殆未幾知府死夙所有

德州金石志

州衛書院校定本

者已以奢縱隨手盡喪不能歸家屬嗷嗷且凍餒屬吏皆怨次骨無過問者太夫人與根矩先生謀曰彼雖狠戾故上官也故吏之誼古人重焉沅陵為辰州諸邑長君不謀歸其柩君子且謂公修怨也根矩先生首肯之傾囊篋以助比送登舟其家屬愧色可掬沅陵縣丞于君新城舊族也與根矩先生故友善及同官益相得雍正乙卯于君奉檄解貴州餉卒於途其二女同適同邑王氏為娣如長女少寡無子以妹之子宸眷嗣皆依父以居至是流落不能返太夫人慨然曰于君家累重勢不能兼

瞻且寡女稚子需養存立非旦夕事亦恐不能源源給復與根  
矩先生謀迎其女於署中撫以為女而俾宸眷與諸子同讀書  
乾隆己未根矩先生擢官澧州太夫人始携其母子歸後宸眷  
補邑諸生于女亦以節終新城人至今能道之也戊戌八月春  
礪將卜葬太夫人持狀請余銘讀其狀亦列此二事與書昌所  
言合而別有為從孫克家立嗣俾其妻得守節事屬書昌所未  
言蓋庭委曲外人有所不及詳以二事徵之其亦不誣矣嗚呼  
一日之慷慨易為也提携嬰幼有始有終非仁心周至不若是

德州金石志

州衛書院校定本

是足愧夫併不能為一旦慷慨者也至人謀陷我而未遂不讐  
之足矣其死也不快之足矣乃以德報怨寧失於厚然則予以  
炎涼之故至今怏怏于夫已氏者不又慙然愧乎此數事足以  
傳太夫人其他婦德之常世人所目為賢淑者不足為太夫人  
稱也太夫人系出文安井氏山海衛教授諱鑑之女前澧州知  
州諱念曾之繼配以康熙二十八年十一月生乾隆四十年十  
二月卒年八十有七子三長耘經州庠生次崇經乾隆庚辰副  
榜貢生官費縣教諭先卒次大經乾隆戊子舉人官直隸樂亭

縣知縣即所謂趙春礪者是也女三孫五曾孫二以乾隆四十三年十月合祔於根矩先生之墓銘曰  
巾幗也而如是乎惜我西徂不邁於窮途嗚呼